



昭宗哀帝

竹居跋廬

全唐文
卷九十一之九十四

北京大學

竹居樓



金唐文
卷之七

欽定全唐文卷九十一目錄

昭宗二

修葺國學詔

復陳敬瑄官爵詔


誅杜讓能宣示天下詔

賜李克用詔

答李克用請車駕還宮詔

賜邠州行營都統詔

誅崔昭緯詔



答韓建表請車駕幸華州詔

賜韓建詔

答韓建讓封昌黎郡王詔

答韓建讓兼輔國軍節度使長春宮使詔

貶崔允工部尚書詔

誅宦官詔

賜王建詔

賜王建詔

遺詔

授張實段逸兼御史中丞勅

賜錢鏐勅

賜錢鏐安衆營額勅

平楊守亮等勅

答錢鏐奏進安衆營圖勅

賜新及第進士勅

覆試進士勅

貶崔凝合州刺史勅

升華州爲興德府勅

賜鎮東軍押衙樂仁厚勅

答錢鏐奏重修天柱觀勅

誅王搏勅

賜傅文舉勅

答劉勣奏安東營圖勅

平林守張等勅

賜趙安東營勅

賜趙安東營勅

賜趙安東營勅

欽定全唐文卷九十一

昭宗

二

修葺國學詔

有國之規無先學校理官之要莫尚儒宗故前王設塾庠
陳齒胄所以敷揚至道宏闡大猷者也國學自朝廷喪亂
已來棟宇摧殘之後歲月斯久榛蕪可知宜令諸道勸祭
使刺史與賓幕州縣文吏等同於俸料內量力分均以助
修葺

復陳敬瑄官爵詔

大海所以長百川者下流必納大地所以載萬物者有質
皆容哲后體之事無常勢弔人拯溺則龔發王師錄舊棄
瑕則大開法網斷自朕志又何愧焉陳敬瑄發跡禁軍遂
居大鎮因緣遭遇窮極寵榮先皇帝頃屬艱難遂至巡狩
敬瑄當鎮都會頗罄忠誠大則有天下赴難之師皆求宿
衛次則有官司奔走之吏重創朝廷玉帛波輸梯航露集
實竭勇智備極經營度支日費而未省告勞供饋星而
竟無橫斂全由盡節果叶中興朕初奉宗祧熟政理遽
忘前績俄至興師責楚子之包茅爾雖曠職忘公孫之豆

粥予亦無恩致我勞臣莫月素卡丘者朝無事乙夜觀

書則盧綰之在四夷尚堅宿衛勃之居一縣足表厚誣

前史具存殷鑒何遠矧朕冲目耳忘勲勞相印兵符高爵

顯位既從昭雪寵宜如初勉思禍福之門重契君臣之分

抑人情而遵大道元無疑思福善而誠禍盈便當自省

王建似彥月辛七師貞螫忠勤盡懷頗牧之謀俱奉

及瓜之戍卷勲帝所歎嘉則大布寬仁永安註誤

在稟垂橐之令勿辜偃革心便令部領師徒各歸所任

其迴戈將等仰彥朗王建奉本道上供錢物量事優

賞乞奏兼聞楊晟等深知逆順首率歸投陳勁草之心備
輿櫬之禮書之信史永播忠規敬瑄重作藩侯列牧復爲
州將勉思和叶以保初終無構厲階重貽伊戚敬瑄可開
府儀同三司太師兼中書令成都尹上柱國潁川郡王食
邑四千戶食實封八百戶充劔南西川節度副大使知節
度事管内觀察處置統押近界諸蠻及西山八國雲南安
撫制置營田供軍糧料等使於戲刻舟求劔取笑古人膠
柱調瑟故難忘理茲以邇變冀息干戈苟有利於蒼生又
何辭乎改作布告遐邇咸使聞知

誅杜讓能宣示天下詔

夫賞有功而刑有罪饗國明規邪務去而任無私君人大節其有顯犯憲誅危宗祧難貸大刑式謝四海崖州

人李周潼驩州流人段詡儋州流人西門君遂雷戶

參軍杜讓能等結爲奸請發禁軍假言防託山南心乃

文伐近鎮傾危宗社搆忠良包藏禍心附會狂計昊穹

降監宗廟炳靈大臣繼有封章列藩瀝懇論奏朕親鞠問

罪狀顯然須行憲章諒非獲已於戲朕以冲眇嗣膺丕圖

任用之間固無疑事而讓能一居台八換星霜必謂能

罄忠誠不辜所仗殊不知手操國柄身作亂階政以賄行
化由財進舉枉錯直愛憎繫於一時鬻爵賣官聚斂逾於
巨萬仍復舉倍息之利恣兼并之心市肆貨財曰歸私第
隣伍店宅旋入所居政事決於胥吏者華縱於婦女邱某
一家杖殺曾不奏聞湖外二年兵戈曾闕敗闕或以闕
藏或以狂誤交通朕以久務含宏上能決謫一旦彰露萬
口咨嗟君遂等始終同謀表相漢納貨則更相問遺謀
人即放還明於烟塵四郊紛被九陌兵而固請巡幸
差人而縱火宮中頃刻之間警蹕無材累卵未足爲

危四罪既誅中禁立定國法斯在朕何敢私尚慮道途傳聞遠近誤謬四海之內未委事端故降命書明示天下凡在臣庶宜體朕懷

賜李克用詔

朕以景宣全瓘行實繼鵬爲表裏之奸謀縱干戈於雙闕烟塵倏忽劫殺縱橫朕偶脫鋒鏑遂移輦輅所爲巡幸止在近郊蓋知卿統領雄師駐臨蒲坂累飛書詔繼遣使人期卿以社稷爲憂君親在念必思響應速議龔行豈謂將涉兩旬未有來表憂虞是切寢食不遑豈忠義不切疚懷

而道途或有阻滯今則專令親信懇託勲賢故遣延王戒
丕丹王允與供奉官王魯紆等宣示卿宜便董貔貅徑臨
邠鳳蕩平妖穴以拯阽危是所望也

答李克用請車駕還宮詔

昨延王迴言卿憂時體國執禮輸忠接遇之間周旋盡節
備知肺腑識我恩榮靜惟尊主之心果契知臣之分朕欲
取今月二十四日卻復都城冀寧兆庶倚我勲德有若長
城速伸翦盪之謀以慰黔黎之望

賜邠州行營都統詔

邠州節度副使崔鋌破城之時勿令漏網鋌與崔昭緯去年朋黨交結王行瑜搆合禍胎原繇此賊付四面行營知悉

誅崔昭緯詔

朕猥以眇身恭臨大寶修前王之法度奉列聖之紀綱未嘗以喜怒之心行其賞罰唯務以誠信之道示於寰區有功有勞既不愆於爵祿負恩負法寧可貸其誅夷是謂至公庶臻理道左降官崔昭緯頃居內署粗著微勞擢於侍從之司委以變調之任不能忠貞報國端慎處身潛交結

於姦臣致漏泄於機事星霜累換匡輔蔑聞其罪一也又
快其私忿輒恣陰謀託崔鉦之險熾連行瑜之計畫遂至
稱兵向闕怙衆脅君故宰臣韋昭度李谿並以無辜見害
幾危宗社顯辱君親其罪二也及行瑜敗滅京國甫安而
乃自懼欺誣別謀託附又於藩閫潛請薦論不唯苟免罪
愆兼亦再希任用貪榮冒寵僭濫無厭敗俗傷風賢愚共
鄙其罪三也又將厚賂欲結諸王輕侮我憲章玷瀆我骨
肉貨財之數文字具存賴諸王作朕腹心嫉其蠹害盡將
昭緯情款兼其親吏姓名直具奏聞拒其求託昭緯曾居

宰輔久歷清崇但欲逞其回邪都不顧其事體觀其識見
實駭聽聞其罪四也自姦邪既露情狀難容尚示寬恩未
行嚴憲投於荒裔冀其自新而不能退省過尤恭承制命
速赴貶所用守常規而猶自務宴安尋聞所在留駐攪擾
藩鎮侮慢朝章曾無懍畏之心可驗包藏之計罔知憊咎
唯謗朝廷其罪五也朕以恩澤者帝王之雨露刑法者邦
國之雷霆無雨露則庶物不榮無雷霆則萬邦不肅體天
道以化育遵王度以澄清罪既昭彰理難含垢凡百多士
宜體予懷其崔昭緯宜差使往所在賜自盡